

# АКАФИСТ



ПРЕСВЯТОЙ  
БОГОРОДНИЦЕ  
В ЧЕСТЬ ИКОНЫ  
ЕЕ «КАЗАНСКАЯ»



## Тропарь, глас 4

Заступнице усёрдная,/ Мати Господа Вышняго,/ за всех молиши Сына Твоего Христа Бога нашего,/ и всем твориши спастися,/ в державный Твой покров прибегающим./ Всех нас заступи, о Госпоже Царице и Владычице,/ иже в напастех и в скорбех, и в болезнях, обремененных грехи многими,/ предстоящих и молящихся Тебе умиленною душею/ и сокрушенным сердцем,/ пред пречистым Твоим образом со слезами/ и невозвратно надежду имущих на Тя,/ избавления всех зол,/ всем полезная даруй/ и вся спаси, Богородице Дево:/ Ты бо еси Божественный Покров рабом Твоим.

## Кондак, глас 8

Притецём, людие, к тихому сему и доброму пристанищу,/ скорой Помощнице, готовому и теплomu спасению, покрову Девы,/ ускорим на молитву и потщимся на покаяние:/ источает бо нам неоскудная милости Пречистая Богородица,/ предваряет на помощь и избавляет от великих бед и зол// благонравныя и богобоящияся рабы Своя.



# АКАФИСТ

## Пресвятой Богородице в честь иконы Её «Казанская»

### Кондак 1

Избранной от всех родов Заступнице рода христианского, покровом Своея благодости покрывающей страну нашу православную, благодарственная пения приносим Ти, Богородице, о явлении чудныя Твоея иконы. Ты же, яко Всемилостивая, всех притекающих к Тебе Помощнице, заступай нас во всех скорбех и нуждах, бедех и напастех, да зовем Ти: Радуйся, Заступнице усердная рода христианского.

**Радуйся, Заступнице усердная рода христианского.**

### Икос 1

Ангел предстатель послан бысть рещи Богородице «Радуйся», егда Бог Слово воплощашеся во утробе Ея: и мы, грешнии, прославляюще явление чудныя Ея иконы и Божественнаго Младенца Спаса Христа, со умилением вопием Благодатней:

Радуйся, Богоизбранная Отроковице; Радуйся, Мати Божия.

Радуйся, Царице Небесé и земли; Радуйся, свётлое Цёркве Небесныя и земныя украшение.

Радуйся, Ангелы чтимая; Радуйся, певаемая от Серафим.





Ра́дуйся, свѣтлое проро́ческое сбытіе; Ра́дуйся, апо́столов похвало́.

Ра́дуйся, му́ченическое испове́дание; Ра́дуйся, преподо́бных вѣнче.

Ра́дуйся, пра́ведных весе́лие; Ра́дуйся, грѣшных упова́ние.

**Ра́дуйся, Засту́пнице усѣрдная ро́да христиа́нскаго.**

## Кондак 2

Ви́дящи, Всенепоро́чная, с высоты́ Небе́снаго жили́ща Своего́, иде́же с Сы́ном Твои́м в сла́ве пребыва́еши, скорбь рабо́в Твои́х в новопросвещѣнном гра́де, я́ко гнѣвнаго ра́ди Бо́жия посещѣния ве́ра Христо́ва поруга́ема быва́ет ага́рянским злове́рием, благоволи́ла еси́ яви́ти ико́ну Свою́, чудесы́ ю прославля́ющи, да утвержда́емии зна́меньи Твоея́ благода́ти, христоро́бивии лю́дие ве́рно вопи́ют Бо́гу: **Аллилу́иа.**

## Икос 2

Разуме́ние трикратнаго явлѣния Богома́тере му́драя отрокови́ца и́щущи, течѣ ко власте́м, пове́дающи им дѣивно́е явлѣние и гро́зное прещѣние: мы же дивя́щесе свѣ́ше да́нному отрокови́це вразумлѣнию, благоговѣ́нно вопи́ем к Преблагослове́нной:

Ра́дуйся, устна́ми чи́стыми хвалу́ Бо́гови соверша́ющая;

Ра́дуйся, та́йны благода́ти Бо́жия ве́рным открыва́ющая.





Ра́дуйся, неве́рных сумни́тельное слы́шание; Ра́дуйся, ве́рных изве́стная похвало́.

Ра́дуйся, мо́лние, неве́рных устраша́ющая; Ра́дуйся, сла́вою чуде́с Твои́х ве́рных ра́зум озаря́ющая.

Ра́дуйся, ага́рянскаго злове́рия обличе́ние; Ра́дуйся, горды́ни их низложе́ние.

Ра́дуйся, ве́ры христиа́нския утвержде́ние; Ра́дуйся, почита́ния святы́х ико́н освяще́ние.

Ра́дуйся, скорбь на́шу в ра́дость претворя́ющая;

Ра́дуйся, несумне́нною наде́ждою нас увеселя́ющая.

**Ра́дуйся, Засту́пнице усер́дная ро́да христиа́нскаго.**

### Кондак 3

Си́ла Вы́шняго благода́тию Богома́тере умудри́ и укрепí отрокови́цу к иска́нию многоце́ннаго Бо́жия дара́, и та, с ве́рою дерза́ющи о Го́споде, присту́пи к труду́ и, скры́тое в земли́ обрети́ши сокрови́ще святы́я ико́ны Богома́тери, ра́достно возопí к Бо́гу: **Аллилу́иа.**

### Икос 3

Име́ющи благоутро́бное промышле́ние о новопросвеще́нных лю́дех гра́да Каза́ни, от пречестны́я Твоея́ ико́ны то́ки чуде́с источи́ла еси́, Влады́чице, слепы́м телесны́ма очы́ма зрени́е подава́ющи, омраче́нных же душе́вно све́том богопозна́ния и благоче́стия озаря́ющи, де́вствующим под осенением Твоея́ ико́ны пристани́ще небу́рное да́рующи. Сего́ ра́ди зове́м Ти:





Ра́дуйся, явлéнием ико́ны Твоея́ тьму лю́тых  
обстоя́ний отгоня́ющая; Ра́дуйся, луча́ми чуде́с всех  
просвещáющая.

Ра́дуйся, слепы́х прозрéние; Ра́дуйся, омрачéнных  
смýслом просвещéние.

Ра́дуйся, сла́во Правосла́вия; Ра́дуйся, т́хое  
приста́нище и́щущих спасéния.

Ра́дуйся, Ма́ти целому́дря; Ра́дуйся, покрóве и  
ограждéние дéвства.

Ра́дуйся, Ё́уже ликовству́ет все мно́жество ве́рных;  
Ра́дуйся, Ея́же ра́ди рыда́ет дéмонское по́лчище.

Ра́дуйся, всех христиа́н вожделéнная Помо́щнице;  
Ра́дуйся, всех скорбя́щих Ра́досте.

**Ра́дуйся, Засту́пнице усéрдная ро́да христиа́нского.**

## Кондак 4

Бу́рю смяте́ний и крамо́лы врага́ми воздв́игнутую в  
стране́ нашей утоли́ти тща́сья блаже́нный Ермоге́н,  
списáтель чуде́с Твоея́, Богома́ти, ико́ны, слéзно пред  
нею́ моля́сья и, ви́дев, я́ко во́инству правосла́вному в  
щит и побéдное зна́мение Твоя́ ико́на дарова́ся, ве́рою  
укрепля́емый до конца́ живота́ своего́, вопия́ше Бо́гу:  
**Аллилу́иа.**

## Икос 4

Слы́шавше правосла́внии во́ини откровéнную  
Преподо́бным Сэ́ргием святи́телю Арсе́нию та́йну, я́ко



предстательством Богоматере суд об Отечестве нашем преложён на милость, икóну Богоматерню, яко зная победное, приимше, исхитиша мать градóв русских из рук супостат и возопиша Заступнице христиán:

Рáдуйся, Мати Бóга Вышняго; Рáдуйся, яко за всех молиши Сына Твоего, Христа Бóга нашего.

Рáдуйся, яко всем твориши спастися в держáвный Твой покрóв прибегающим; Рáдуйся, Заступнице всех сущих в скорбех и болезнях.

Рáдуйся, всем молящимся сокрушённым сердцем пред пречистым Твоим образом полезная дарующая; Рáдуйся, избавление зол всем, невозвратно надежду имущим на Тя.

Рáдуйся, тихое и доброе пристанище; Рáдуйся, скорая Помощнице.

Рáдуйся, готовый и тёплый покрóве спасения; Рáдуйся, источающая нам неоскудныя милости.

Рáдуйся, предваряющая на помощь; Рáдуйся, избавляющая от всех бед.

**Рáдуйся, Заступнице усёрдная рóда христиánскаго.**

## Кондак 5

Боготéчная звезда явися Твоя, Богомати, икóна, всю страну Россiйскую обтекающая, лучами чудес Твоих осиявающая всех блуждающих по мóрю страстного жития, мрак печалей и мглу всяких недуг и скорбей прогоняющая и наставляющая на путь спасения с верою к Тебе притекающих и вопиющих к Бóгу: **Аллилуиа.**





## Икос 5

Видев царь Петр, яко от святѣя иконы Богомáтери благодáтию Бóжиею содева́ются мно́гия чудеса́, приѣмлет ю в путево́дительницу во́инству своему́ и в день брáни на свѣев в щит и покрóв, и победѣв до концá врагá с пóмощию Богомáтере, тем кáмень совершѣнный во основáние нóваго цáрствующаго гра́да положи́, икону же Твою́ чóдную, яко освящѣние, яко щит и ограждѣние, в сѣрдце гра́да поста́ви. Сего́ ра́ди вопиѣм Пречѣистей:

Ра́дуйся, жили́ще и до́ме Христа́ Бóга нáшего; Ра́дуйся, вместѣлище неизрѣченныя Его́ сла́вы.

Ра́дуйся, гра́де одушевлѣнный, прѣсно цáрствующий; Ра́дуйся, палáто преукрашѣнная.

Ра́дуйся, Рáдосте градóв и вѣсей; Ра́дуйся, непобедѣмое христиáн в бедáх хранѣлище и предгра́дие.

Ра́дуйся, Цѣркве Правослáвныя похвалó; Ра́дуйся, Рýсской земли́ утверждѣние.

Ра́дуйся, хри́столюбѣваго во́инства Помóщнице; Ра́дуйся, врагóв одолѣние.

Ра́дуйся, от бед избавлѣние; Ра́дуйся, Мáтерними Твоѣими щедрóтами всех посещáющая.

**Ра́дуйся, Застúпнице усѣрдная рóда христиáнскаго.**

## Кондак 6

Предстояще пред пречѣистым Твоѣм образом архиерѣев сослóвии и вси лю́дие, мона́си и мирстѣи, проповѣдуют, Госпожѣ Богородѣтельнице, вели́кия Твоѣя мѣлости, яко гра́ды огражда́еши, обѣтели покрывáеши, вѣси





защищаеши, и, вѣдуще Тя воистинну Помощницу сильну и непобедиму, со слезами приносят Ти молитвы, да прострѣши к Сыну Твоему Богоносныя руки за люди Твоя, во еже избавити нас от всех бед и напастей, да благодарне вопиѣм Богу: **Аллилуиа.**

## Икос 6

Возсиявши просвѣщение истинное и отгнавши дрѣвле леть агарянскую во новопросвѣщенной странѣ Казанской, ныне во всех градах российских свѣтиши свѣтом чудес и милостей: притекающий бо с вѣрою ко Твоей иконе цельбоносней скорбей избавление, недугов исцеление и радости всякия исполнения приѣмлют, вопиюще Тебѣ усердно:

Радуйся, неистощимый источниче святыни; Радуйся, многотекущая реко Божественная благодати.

Радуйся, грѣшных с Богом примирение; Радуйся, грехов наших очищение.

Радуйся, благочестия Наставнице; Радуйся, в добрых дѣлах утверждение и помощи.

Радуйся, добрыя обѣты приѣмлющая; Радуйся, благим намерением способствующая.

Радуйся, злыя начинания разрушающая; Радуйся, вражия козни расторгаящая.

Радуйся, скорая человеком Помощнице; Радуйся, милость сугубо нам подающая.

**Радуйся, Заступнице усердная рода христианскаго.**





## Кондак 7

Хотящу наро́ду правосла́вному испове́дати мѣлости  
Преблагослове́нныя Цари́цы Не́ба и земли́ и по си́ле  
благодáрственная принести́ о избавле́нии его́ от  
наше́ствия иноплеме́нных, дѣвному хра́му, создáнному  
в честь пречу́дныя ико́ны, побѣдная в дар принесё, да  
вси па́мятующе мѣлость Богома́тере, спаса́юща град сей  
и страну́, вѣну воспева́ют Бо́гу благодарными́ усты́:  
**Аллилу́иа.**

## Икос 7

Сто́льному гра́ду Росси́и свята́я ико́на Твоя́, Богома́ти,  
вои́стинну яви́ся благая́ Оди́гитрия, я́коже дрѣвле  
Царегра́ду: к Тебе́ бо прибега́ют лю́дие, по́моци Твоея́  
на нача́ло пу́ти и дел своѣх прося́ще и благодарственная  
принося́ще моле́ния пред пречи́стою ико́ною Твоею́ за  
избавле́ние от скорбе́й и напа́стей, Тебе́ Помо́щницу и  
Засту́пницу крѣпкую ве́дают. Те́мже благодарственнó  
вопи́ем Ти:

Ра́дуйся, Росси́йския страны́ покрóве; Ра́дуйся,  
Правосла́вия в ней огражде́ние и утвержде́ние.

Ра́дуйся, несокруши́мый щите́ вои́нов на́ших; Ра́дуйся,  
бронé их неузвѣмая.

Ра́дуйся, ко́зни враго́в облича́ющая; Ра́дуйся, я́ко  
паучи́ну их растерза́ющая.

Ра́дуйся, нечестия́ обличе́ние; Ра́дуйся, крамо́лы  
разруше́ние.



Ра́дуйся, ю́ных от заблужде́ний исправле́ние; Ра́дуйся, ста́рцев утеше́ние.

Ра́дуйся, душевре́дных уче́ний низложе́ние; Ра́дуйся, душеполе́зных зна́ний дарова́ние.

**Ра́дуйся, Засту́пнице усер́дная ро́да христиа́нского.**

## Кондак 8

Стра́нно и сумни́тельно неве́рующим слу́шати, ка́ко от ико́ны Твоея́ то́ки благода́ти истека́ют, воня́ живо́тная благоуха́ет: мы же, ве́рующе сло́ву, рече́нному Тобо́й, Влады́чице, к первонача́нной иконе: «С тобо́й Моя́ благода́ть и си́ла», упова́ем, я́ко и с сею́ ико́ною благода́ть Твоя́ вы́ну: те́мже благоговейно́ предсто́яще лобыза́ем ю́, поклоня́емся ей, я́ко Тебе́ Самей́ су́щей, честь бо ико́ны на первообра́зное восхо́дит, и Твоя́ благода́ть сею́ ико́ною зна́мения и чудеса́ содева́ет всем с ве́рою притека́ющим к Тебе́ и вопи́ющим Бо́гу: **Аллилу́иа.**

## Икос 8

Вся б́ывши горе́, к Небе́сным взя́та, и земны́х не оставля́еши, Богома́ти, священным Твои́м предста́тельством: има́ши бо ма́тернее дерзнове́ние ко Христу́ Бо́гу нашему́. Те́мже утверди́ в ми́ре глубо́це правосла́вных жити́е и вся поле́зная всегда́ да́руй рабо́м Твои́м, да велича́юще воспева́ем Ти:

Ра́дуйся, Невместима́го вместі́лище; Ра́дуйся, осенённая си́лою Вы́шняго.





Ра́дуйся, прозя́бшая Клас Небе́сный; Ра́дуйся, мир весь душепа́губнаго гла́да изба́вльшая.

Ра́дуйся, вѣ́ну ходата́йствующая за род наш; Ра́дуйся, я́ко мно́го мо́жет моли́тва Твоя́ пред Сы́ном Твои́м и Бо́гом.

Ра́дуйся, всехнасприКресте́ Сы́на Твоего́ усыновѣ́вшая; Ра́дуйся, всегда́ Ма́тернюю любо́вь к нам явля́ющая.

Ра́дуйся, Ходата́ице вѣ́чных благ; Ра́дуйся, и во вре́менной жи́зни полѣ́зная нам пода́ющая.

Ра́дуйся, изве́стное прибе́жище на́ше во всех ско́рбных обстоя́ниях; Ра́дуйся, несомне́нное утеше́ние в печа́лех.

**Ра́дуйся, Засту́пнице усѣ́рдная ро́да христиа́нскаго.**

## Кондак 9

Вся́каго естества́ а́нгельскаго превѣ́шшая яви́лася еси́, Пресвята́я Де́во: Бо́га бо зачала́ еси́ пло́тию, Невместѣ́мага все́ми вмести́ла еси́ во утробе́ Твое́й, на рука́х носи́ла еси́ Нося́щаго весь мир длáнию: те́мже, я́ко Честне́йшую Херувѣ́м и Сла́внейшую без сравне́ния Серафѣ́м велича́юще Тя, вопи́ем о Тебе́ Бо́гу: **Аллилу́иа.**

## Икос 9

Витѣ́я многовещáнная, я́ко ры́бы безгласны́я, ви́дим о Тебе́, Богороди́це: недоуме́ет бо всяк язы́к благохвалѣ́ти Тя по досто́янию, изуменя́ет ум пѣ́ти Тя, Богороди́це; о́баче Благо́я сущи́, приими́ и от нас архáнгельский глас, Тебе́ вопи́ющих:





Ра́дуйся, Благода́тная; Ра́дуйся, я́ко Госпо́дь с Тобо́ю.  
Ра́дуйся, Благослове́нная в жена́х; Ра́дуйся, обрѣ́тшая  
благода́ть у Бо́га.  
Ра́дуйся, роди́вшая Спаси́теля ми́ру; Ра́дуйся, Ма́ти  
Сы́на Бо́жия.  
Ра́дуйся, Роди́тельнице Ве́чнаго Царя́; Ра́дуйся,  
изра́стившая нам плод живото́а.  
Ра́дуйся, освяще́нная Ду́хом Святы́м; Ра́дуйся,  
осене́нная си́лою Всеви́шняго.  
Ра́дуйся, ве́рная Рабо́ Госпо́дня; Ра́дуйся, я́ко Тя блажа́т  
все ро́ди.

**Ра́дуйся, Засту́пнице усѣ́рдная ро́да христиа́нскаго.**

## **Кондак 10**

Спасти́ хотя́щи мно́гия от находя́щих зол, скорбе́й и  
боле́зней, чу́дную ико́ну Твою́, Богома́ти, дарова́ла еси́,  
ея́же ра́ди слепи́и презира́ют, хроми́и ходя́т, разсла́бленнии  
возста́ют, бесну́ющиися исцеля́ются, земли́ плодоносие  
пода́ется, лю́дие от смертоно́сных я́звы изба́вляются,  
гра́ды и до́мы от огня́ спаса́ются: те́мже прославля́юще  
Бо́га, даю́щаго нам тако́выя ми́лости, вопие́м Ему́ усѣ́рдно:  
**Аллилу́иа.**

## **Икос 10**

Стена́ еси́, Богороди́це, стране́ Росси́йстей, гра́дом  
огражде́ние и сла́ва, правосла́вному во́инству на враги́  
укрепле́ние. Те́мже, благода́ряще Тя, вопие́м:





Ра́дуйся, прославляющих Тя прославляющая; Ра́дуйся, не чту́щих Тя посрамляющая.

Ра́дуйся, врагов устрашение; Ра́дуйся, от нашествия иноплемённых избавление.

Ра́дуйся, воинов крепосте; Ра́дуйся, в дни брани забрало и ограждение.

Ра́дуйся, в дни мира живоносный саде, увеселяющий сердца верных; Ра́дуйся, оружие, егже трепещут демони.

Ра́дуйся, спасительный елей, умащающий греховныя раны кающихся; Ра́дуйся, тёплое наше упование.

Ра́дуйся, несумнённая наша Надежда; Ра́дуйся, тихое и доброе пристанище.

**Ра́дуйся, Заступнице усёрдная рода христианскаго.**

## Кондак 11

Пение хвалёбное и благодарственное приносят Тебе, Владычице, припадающе ко иконе Твоей и любезно лобызающе ю, дев лица, под державным покровом Твоим тихое и мирное иноческое житие провождающи, и возложивше на Тя все упование, радостно вопиют Богу: **Аллилу́иа.**

## Икос 11

Яко светоприёмную свещу, зрим Твою честную икону, Пресвятая Владычице: та бо невещественный огонь благодати Твоея восприёмши, и в подобиих ея



но́вы возжигáет светíльники, причáстны тоя́жде síлы  
благодáтныя, и озаря́ет чудесы́, наставля́ющи на путь  
спасéния всех вопи́ющих Ти сýще:

Ра́дуйся, Невéсто Ненеvéстная; Ра́дуйся, Богоизб́ранная  
Отрокови́це, Ма́ти Дéво.

Ра́дуйся, дóбрая Настáвнице непорóчнаго дéвства;  
Ра́дуйся, Хранíteльнице ревнýющих о чистотé.

Ра́дуйся, жен похвалó; Ра́дуйся, дев величáние. Ра́дуйся,  
вдов заступлéние; Ра́дуйся, сирóт призрéние.

Ра́дуйся, ни́щих Питáтельнице; Ра́дуйся, нагíх одея́ние.

Ра́дуйся, печáльных утешéние; Ра́дуйся, скорб́ящих  
весéлие.


**Ра́дуйся, Застýпнице усéрдная рóда христиáнского.**

## Кондак 12

Благодáть дáти восхотéвши почитáющим Тя с любóвию,  
Богородíteльнице, присýщего Ти síлу благодáтную  
остáвила есí во святýх Тво́йх икóнах, íбо Божéственная  
благодáть, спребывáющи тем (икóнам), зна́мения и чудесá  
в́ину содева́ет и душéвных и телéсных недýг исцелéние  
всем с вéрою приходя́щим пода́ет Тво́ими Богомáтерними  
непрестáнными к Бóгу молíтвами о вопи́ющих Емý:  
**Аллилу́иа.**

## Икос 12

Пою́ще Тво́я чудесá, б́ывшая в дрéвняя и настоя́щая  
временá, хва́лим Тя, я́ко Живонóсный Источник





благодати, яко неистошиму ю реку чудес, яко бездну милости и щедрот, и все упование по Бозе возлагающе на Тя и в сей и в будущей жизни, прославляюще Тя, вопиём:

Радуйся, христиан непостыдное упование; Радуйся, верных спасительное прибежище.

Радуйся, ненадежных надеяние; Радуйся, отчаянных спасение.

Радуйся, бане, омывающая совесть; Радуйся, росо, оживляющая души.

Радуйся, болезней врачество скорое и безмездное; Радуйся, от всех бед быстрое избавление.

Радуйся, Утешительнице во всякой скорби; Радуйся, из глубины погибели спасающая.

Радуйся, отрадо в день смерти; Радуйся, единая Надеждо и по смерти.

**Радуйся, Заступнице усердная рода христианского.**

## Кондак 13

О Всепетая Мати, рождающая всех святых Святейшее Слово, прими ныне малое сие моление и, величия ради благодати Твоея и бездны щедрот Твоих, не помяни множества грехов наших, но исполни во благих прошения наша, подавая телу здравие, души спасение, избавляя от всякия нужды и печали и Царствия Небеснаго наследники сотворяя всех верно вопиющих Богу: **Аллилуиа.**



## Икос 1

А́нгел предста́тель по́слан бысть ре́щи Богоро́дице «Ра́дуйся», егда́ Бог Сло́во воплоща́шеся во утробе Ея́: и мы, грѣшнии, прославля́юще явлѣние чу́дныя Ея́ ико́ны и Божѣственнаго Младѣнца Спа́са Христа́, со умилѣнием вопиѣм Благода́тней:

Ра́дуйся, Богоизбра́нная Отрокови́це; Ра́дуйся, Ма́ти Бо́жия.

Ра́дуйся, Цари́це Небесе́ и земли́; Ра́дуйся, све́тлое Це́ркве Небе́сныя и земны́я украше́ние.

Ра́дуйся, А́нгелы чти́мая; Ра́дуйся, пева́емая от Серафи́м.

Ра́дуйся, све́тлое проро́ческое сбыти́е; Ра́дуйся, апо́столов похвало́.

Ра́дуйся, му́ченическое испове́дание; Ра́дуйся, преподо́бных вѣнче.

Ра́дуйся, пра́ведных весе́лие; Ра́дуйся, грѣшных упова́ние.

**Ра́дуйся, Засту́пнице усѣрдная ро́да христиа́нскаго.**

## Кондак 1

Изра́нной от всех родо́в Засту́пнице ро́да христиа́нскаго, покровом Своея́ бла́гости покрыва́ющей страну́ нашу́ правосла́вную, благода́рственная пе́ния прино́сим Ти, Богоро́дице, о явлѣнии чу́дныя Твоея́ ико́ны. Ты же, я́ко Всеми́лостивая, всех притека́ющих к Тебе́ Помо́щнице, заступáй нас во всех ско́рбех и ну́ждах, беда́х



и напáстех, да зовём Ти: Рáдуйся, Застúпнице усёрдная рóда христиáнского.

**Рáдуйся, Застúпнице усёрдная рóда христиáнского.**

## **Молитва первая**

О Пресвятáя Госпожé Влады́чице Богородице! Со стра́хом, véрою и любóвию припада́юще пред честнóю ико́ною Твое́ю, мо́лим Тя: не отврати́ лица́ Твоегó от прибега́ющих к Тебé, умоли́ милосёрдая Мáти, Сýна Твоегó и Бóга нáшего, Гóспода Иисýса Христа́, да сохранит мёрну страну́ нáшу, Цёрковь Свою́ Святу́ю да незы́блему соблюде́т от неверия, ересей и раскóла. Не ймамы бо ины́я по́мощи, не ймамы ины́я наде́жды, рáзве Тебé, Пречы́стая Дéво: Ты еси́ Всесы́льная христиáн Помóщница и Застúпница. Избáви всех с véрою Тебé моля́щихся от падéний грехóвных, от наве́та злых человек, от всяких искуше́ний, скорбей, бед и от напрáсныя смёрти: дáруй нам дух сокруше́ния, смире́ние сердца́, чистоту́ помышле́ний, исправле́ние грехóвныя жízни и оставле́ние прегрешéний, да вси благодарне воспева́юще вели́чия Твоя́, сподóбимся Небéснаго Цáрствия и та́мо со все́ми святы́ми просла́вим Пречестнóе и Великолéпое Ймя Отца́ и Сýна и Свята́го Дúха. Амíнь.

## **Молитва вторая**

О, Пресвятáя Влады́чице Богородице, Царíце Небесí и землí, вы́шшая áнгел и архáнгел и всея́ твáри честнейшая,





чїстая Дѣво Марїе, міру благая Помощнице, и всем людем утверждѣние, и во всяких нѹждах избавлѣние! Прїзри и нѣне, Господѣ Всемїлостивая, на рабы Твоя, Тебѣ умиленною душѣю и сокрушенным сѣрдцем молящияся, со слезами к Тебѣ припадающия и покланяющияся пречїстому и цельбоносному образу Твоемѹ, и помощи и заступлѣния Твоегo просящия. О, Всемїлостивая и Премилосѣрдая Дѣво Богородице Чїстая! Воззри, Господѣ, на люди Твоя: мы бо грешнии не имамы инья помощи, разве Тебѣ и от Тебѣ рoждшагoся Христa Бoга нашего. Ты еси заступница и предстательница наша. Ты еси обидимых защищение, скорбящим радование, сирым прибежище, вдовам хранительница, девам слава, плачущим веселие, больным посещение, немощным исцеление, грешным спасение, Сего ради, о Богомати, к Тебѣ прибегаем, и на Твой Пречистый образ с Предвѣчным на руку Твою держимым Младенцем, Господем нашим Иисусом Христом взирающе, умиленное пение Тебѣ приносим и вопиѣм: помилуй нас, Мати Божия, и прошение наше исполни, вся бо суть возможна ходатайству Твоемѹ: яко Тебѣ слава подобает нѣне и прїсно и во вѣки веков. Амїнь.

## Величание

Величаѣм Тя,/ Пресвятая Дѣво,/ Богоизбранная Отроковице,/ и чтим образ Твой святый,// ѣмже точиши исцеления всем с вѣрою притекающим.

